

Libros, ut in fine XXVIII. pro XX. exeant. Advertit id Librarium; cum enim jam subiecisset rubricam: *Explicit Isidorus continens in se viginti octo libros. Sub anno. D. M° CCCC° XII°.* τὸ ὄγδο rursus deleuit, nisi dicas, id factum ab alio. *Bobemum* hominem fuisse docent non semel adjecta quaedam illius gentis lingua. Ita fol. 77. L. IX. c. 7. ubi de *Materteris* agitur, legas: *Ach awech ma myla kassy mye*. Schemata curate adpicta sunt. Lectio de melioribus est, saepius etiam secundae manus, sed Vocabula graeca passim jugulata.

CCCCX.

- U. 54 Codex membraneus lat. Sec. XIII. Folior. 149. f. bene exaratus, rubricis distinctus, et ab incomparabili *Joh. Fabro* Antistite nostro, ut notum illius Περὶ γεγραμμάτων typis expressum in fronte docet, a. 1540. Collegio suo ad S. Nicolaum in usum Juventutis scholasticae legatus sequentia continet: I. praemisso quodam Fragmento homiletico in *Genes.* III. a v. 21. incipit p. 2. *Expositio cuiusdam de operibus sex dierum*. Ita quidem: *De principio libri genesis in quo mundi hujus creacio descripta est multi multa dixerunt. Tò cuiusdam fortassis inde est, quod jam olim de Autore hujus Expositionis ambigeretur, aliis in Junilium Sec. VI. in Africa Episcopum, aliis in Bedam inclinantibus, cujus reipsa est et legitur edit. Colon. Opp. T. IV. 1688. p. 1. f. Codici nostro probe respondens, nisi, quod hic Denis Codd. Theol. V. II. P. I.*

Inscriptionem: *Dilectissimo ac Reuerendissimo Abbati Accae &c. cui Εὐαγγελιστὸν istud dicat Beda*, omitat.

II. fol. 17. *Super genesim*. Atque istud quidem calamo recentiore super locum erasum. Praeoccupanda ergo vera Operis Inscriptio, prout habetur fol. 113. *Incipit Explanacio Quam Fecit Viuchbodo Presbiter Domini Caroli Imperatoris ex libris sanctorum patrum id est Hieronimi. Augustini. Ambrosii. Hilarii. Eucherii. Gregorii. Isidori. Junilii. Bede*. Pauca, quae de hoc *Wichbodone, Wichodo, Wigbaldo* ad nos pervenere, conjecturis nituntur. Detexere DD. *Martenius* et *Durandus* in S. *Maximini Trevir.* Coenobio Codicem ejus *Quaestionum in Octateuchum*, videlicet in 5. Libb. *Mosis, Josue, Judicum* et *Ruth*, praenotatum: *Carolus Rex Francorum et Langobardorum ac Patricius Romanorum hunc Codicem ad opus suum scribere iussit*, et triplici Poematio praevio munitum; cum autem viderent, *Quaestiones* has meris PP. supra citatorum sententiis, dictisque constare, non nisi eas, quae sunt in prima III. *Geneseos* Capita, inferuere T. IX. *Collect.* suae *Ampliss. Vett. Scriptt. Paris. 1733. f. ad p. 293.* praemissis illis Poematiis, e quibus praeter *Caroli* laudes, nomenque *Vuighodi* nihil ad historiam eruas, ne fundamentum quidem, quo nixi *Autores Historiae liter. Franciae* T. I. p. 177. de *Presbytero* nostro scriberent: *Il y avoit plus d'un siecle, qu'on ne voioit*

voioit point de Courtisan en France se mêler de poesie et d'erudition, comme faisoit Wigbode. Absunt jam a Codice nostro haec Παεγγῶ, qui ita inchoat: *Primo omnium preceptor mi inquiri michi necesse est* &c. ubi noto, Interlocutores, qui in editis per D. et M. Discipulum nempe et Magistrum, distinguuntur, nobis per A. et H. designari. Editorum finis: *plenitudo enim legis caritas*, concurret cum fine fol. nostri 54. a quo Inedita sic procedunt: *Adam vero cognovit uxorem suam. Ysidorus.*

Natiuitas duorum filiorum adam similitudinem habet duorum populorum &c. Codex vero totus abrumpitur in Quaestionibus L. Numer. C. 26. his verbis: *aut propter duas uias actionis et contemplacionis ad eternam beatitudinem predestinantur.* Notantur item fol. 56. p. 2. de Genesi quaedam excidisse. Ceterum Libri singuli praeter Genesin praefixa habent Quaestionum Summaria, et saltem usui esse poterunt citatorum PP. Opera olim recensituris. Ad calcem coaeva manu adjecti Verficuli:

*Ne pudeat, que nescieris, te uelle doceri.
Scire aliquid laus est, crimen, nil discere uelle.
Instrue preceptis animum, ne discere cesses,
Namque datur longo sapientia temporis usu.*

Ad compingendum Codicem antierius adhibita est Membrana continens tribus columnis Fragmentum

Cantici hebraici luculente exarati hoc initio:

אל וכל יפקד
מה אשיכני :

CCCCXI.

U. 267 Codex membraneus lat. Sec. XIII. Folior. 69. f. per duas columnas caractere atro luculento exaratus, rubricis conspicuus, et olim testamento Thomae nostri Haselbachii, ut frons testatur, delatus ad Collegium ducale Wiennae apud fratres predicatorum ita orditur: *In nomine domini incipit Prologus Ven. Bede presbiteri in libros Salemonis.* Nota: in libros Salomonis. Est igitur Praefatio gene-

ralis in Proverbia, Ecclesiasten, et Cantica, quam cum nemo, quod sciam, memoret, cumque proluxa non sit, primus hic integram proferam. Tribus nominibus uocatum fuisse salemonem scripture manifestissime docent. pacificum id est salemonem. et hydida id est dilectum domini. et quod nunc dicitur coeleth. i. ecclesiasten. Ecclesiastes autem greco sermone appellatur. qui cetum in ecclesiam congregat. quem nos nuncupare possumus concionatorem quod loquatur ad populum et ser-